


VINCULUM PACIS,  
S I V E  
DE S. SPIRITUS  
A D V E N T U.  
O R A T I O

Habita in Sacello Pontificio  
AD SANCTISSIMUM D. N.  
INNOCENTIUM XII.  
PONT. MAX.

A JULIO IMPERIALI  
*Sem. Rom. Convict.*



ROMÆ, M. DC. XCVII.  
Typis Antonii de Rubeis propè S. Sylvestrum de Capite  
in via Vitis.

*Superiorum Permissu.*

ORATIO  
ADVENTU  
DE SEPTIMO  
FEBRU  
MUSEUM  
1843

INNOCENTIO XII.

PONT. MAX.

JULIUS IMPERIALIS FOELICITATEM.




INCULUM PACIS cui nam potissimum quàm Augusto Tuo nomini consecrarem, BEATIS-  
SIME PATER, qui Reges filios diligentibus adeò studiis jam diù ad Concordiam invitas? Alia certè munne-  
di Cœlestis hæc Spira minimè potest, nisi illa, quæ quodcumque in terris ligat, ligat in Cœlo. Scimus Divinum Spiritum, qui æterni Amoris est nodus, unà cum Cæli clavis

*se ipso manus Tuas implevisse. Sistere igitur  
 Tibi debueram Soli, quod solus præbates:  
 Nonequidem, ut aliquid meum dare, sed ne  
 aliquid rapere Tuum viderer. Fortunent pro-  
 inde Superi vota quæ concipis: Mundo qui-  
 dem; Sed, quod plus est, Te digna, divisas quæ  
 in sui perniciem nationes Cælesti hoc Vinculo  
 foelicitènecte. Adde ut Æternum Vivas.*


*... ..*

*... ..*

ORA-



# ORATIO.

LLUSTRI formidinis apparatu conspicuus exagitat hodie Sionis Curiam Spiritus ille, qui dictus est ab Apostolo *Vinculum Pacis*. Esse quid hoc dixerim, BEATISSIME PATER, Eliæ ne renovantur miracula? An implentur vaticinia? Utrumque, & ventos, & tonitrua, & fulgura, & ignes, & commotiones Terrarum, iterum in famulatum adscivit *Sibilus aure tenuis*, ut ostendat 1. Reg. 19. suum esse Pacem impertiri mortalibus, qui placidissimi *Venas susurri* sui tantis componeret Job 4. motibus elementorum.

Et sanè quonam aptiori Concordiæ Vinculo ligentur hominum animi, quàm eterno illo beatissimi Amoris nexu, quo Pater, & Filius in Cœlo junguntur? Unum eundemque Deum, quo nil usquam magis aut idem, aut Unum, egregia personarum oppositione foelicem nobis fides insinuat. Quanto hæc oppositio oppositionibus nostris præstantior! Utinam sic nostra vota pugnarent! Utinam non aliter mortalium pectora dissiderent!

Ex

§ Aug de  
Verb. Do-  
mini ser.  
11. cap. 12  
C. 20.

Gal. 46.

Ex divinis tamen Personis : *Communis nulla duabus dicitur nisi tertia*. Pater non est Pater amborum . Filius non est Filius amborum : sed Spiritus Sanctus est Spiritus unus amborum . Si igitur hodierna die *Misit Deus Spiritum Filii sui in corda nostra* ; Indigna est se ipsâ humanæ cogitationis modestia . Eo enim planè Vinculo ad invicem jungimur , quo ad invicem Patri Deo jungitur Filius Deus . O sortem inauditæ dignitatis , quin & tranquillitatis ! Quæ unquam terris contingere potuisset felicità major , quàm ut idem Spiritus , qui ut ait Augustinus : *Societas est quodammodo Patris , & Filii* diffusus in cordibus nostris fieret quoque nostrorum animorum optata societas ?

Inspicite quæso quàm sapienter gratia vice-rit hodiè Babylonis delictum , ut nostræ concordie adlaboraret . Olim in Babylonis , hoc est confusionis Campo in linguis nationes divisit discordia . Hodie in Sionis , hoc est , Pacis Cœnaculo , nationes in linguis Charitas unit . Illic linguæ venerunt in fauces ; hic in vertices . Illic cor fatuorum fuit ubi lingua ; hic lingua sapientum ubi cor . Illic denique de una lingua factæ sunt multæ ; hic de multis facta est una .

Infœlix enimverò natura ! Ignotum nomen tibi hætenus fuerat fraternus amor , quæ vel infans sævire didiceras . Primi terrarum fratres primi fuerunt hostes : neque urbs tantummodo , ut ait ille ; sed & Orbis lustratus est sangu-

guine, dedicatusque parricidio. Quid igitur  
mœsti reperimus bellorum origines, & sine filo  
labyrinthos odiorum intramus? in promptu no-  
bis est causa irarum, qui trahimus à primo Pa-  
rentē in venas ipsas discordiam, malæ appendi-  
cem hæreditatis. Essemusne homines, si concor-  
des essemus? Adami noxa, quæ hominem sejun-  
xit à Deo, hominem pariter sejunxit ab homi-  
ne; non utique tantum ab altero, sed ipsum à se.  
Par enim erat, ut qui cum Deo Pacem habere  
noluerat, neque secum haberet, neque cum suis;  
hinc odia; hinc bella; hinc charitas, sublime  
nomen, traductum ad titulum mendicitatis.  
Quid faciat igitur Genus humanum? sævit in  
seipsum, præda iræ suæ, quia olim culpæ suæ.  
Plectitur Reus homo se Carnifice sanguinis sui  
sitibundus, vel cum naufragus: eluvionem  
aquarum subintravit cruoris eluvio: Divina  
promissa poene visi sumus eludere. Deficienti-  
bus enim undis sanguinem advocavimus, ut  
iterum mergeremur; nec ideo cataraçtæ Cœli  
apertæ sunt, sed venæ Populorum.

Grates enimverò immortales Auctori Con-  
cordiæ Divino Spiritui; illi videlicet Columbæ,  
quæ olivam charitatis naufragantibus attulit.  
Columbæ, inquam, illi, quam *ut pacem donet pro-*  
*tinus* hodie enixis precibus fidelium cætus exo-  
rat. Apparuit tandem amabilis flamma, quæ ri-  
xarum ignes igne meliore compesceret: diffusus  
est Amor in hominum animos, quo odium ip-  
sum

sum non amari possit tantummodò, sed & amare. Ament igitur homines homines, ament seipsos, ament Deum. Triplici hoc Charitatis funiculo foelicitè vincti : *Servabunt* (quod ait Apostolus) *Unitatem Spiritus in Vinculo Pacis.*

## LAUS DEO.

